

序

余溺章句信有年矣誠知非士大夫所爲不能忘  
情天所賦也邇年所著歌詩不啻千首其間以綺  
麗得意者亦數百篇往往在士大夫口或樂工配  
入聲律粉牆椒壁斜行小字竊詠者不可勝計大  
盜入關緇帙都墜遷徙不常求生草莽之中豈復  
以吟咏爲意或天涯逢舊識或僻地遇故人醉吟  
之暇時及拙唱自爾鳩輯復得百篇不忍棄捐隨  
卽編錄遐思宮體未降稱庾信攻文郤詣玉臺何

必使徐陵作序麤得捧心之態幸無折齒之慙柳  
街青樓未嘗糠粃金閨繡戶始與風流咀五色之  
靈芝香生九竅咽三危之瑞露美動七情若有責  
其不經亦望以功掩過玉山樵人韓致光自序

晚唐韓偓香奩集詩目

半夜

厭花落

南浦

寄遠

意緒

幽窓

馬上見

欲去

嬾卸頭

荷花

信筆

薦福寺偶見又別

五更

箇儂

無題三首

春日盡

見花

青春

橫塘

五更

咏浴

席上有贈

倚醉

咏手

擁鼻

晝寢

惆悵

補小妹歌

寄裴相國作

偶見背面是夕兼夢

有憶

嬾娜

多情

偶見

閨情

重遊李氏園亭

春盡

別緒

懶起

春悶偶成

無題四首

妬媒

半睡

蚤歸

兩處

效崔輔國體四首

春閨二首

江樓二首

咏燈

繞廊

展子

聞雨

已涼

聯綴體

寒食夜

哭花

重遊曲江

新秋

遙見

官詞

踏青詞

夜深

夏日

新上頭

中庭

鬆髻

寄恨

蹤跡

病憶

不見

忍笑

咏柳

密意

偶見

寒食夜有寄

復偶見三首

再青春

深院

日高

夕陽

舊館

中春憶贈

春恨

閨怨

欄杆

半睡

玉合襍言

金陵襍言

三憶詞

香奩集

半夜

板閣數樽後至今猶酒悲一宵相見事半夜獨眠  
時明朝窗下照應有鬢如絲

厭花落

厭花落人寂莫果樹成陰燕翅齊西園永日閒高  
閣後堂夾簾愁不捲低頭悶把衣襟撚忽然事到  
心中來四肢嬌入茸茸眼也曾同在華堂宴佯佯  
攏髻偷回面半醉狂心忍不禁分明一任傍人見

書中說却平生事猶疑未滿情郎意錦囊封了又  
重開夜深窗下燒紅紙紅紙千張言不盡至誠無  
語傳心印但得鴛衾枕臂眠也任時光都一瞬

南浦

月若半環雲若吐高樓簾捲當南浦應是石城艇  
子來兩槳伊啞過花塢正值連宵酒未醒不宜此  
際兼微雨直教筆底有文星亦應難狀分明苦

寄遠

眉如半月雲如鬢梧桐葉落敲井闌孤燈亭亭公  
署寒微霜淒淒客衣單想美人兮雲一端夢魂悠  
悠關山難空房展轉懷悲酸銅壺漏盡聞金鸞

意緒

絕代佳人何寂莫梨花未發梅花落東風吹雨入  
西園銀線千條度虛閣臉粉難勻蜀酒濃口脂易  
印吳綾薄嬌嬈意緒不勝羞願倚郎肩永相着

幽窓

刺繡非無暇幽窓自渺懽手香江橘嫩齒軟越梅  
酸密約臨行怯私書欲報難無憑諳語猶得暫

心寬

馬上見

嬌馬錦連錢乘騎是謫仙  
和裙穿玉鏡隔袖把金  
鞭去帶情騰醉歸應困  
頓眠自憐輸廐吏餘煖在  
香韉

欲去

紛紜隔窓語重約踏青期  
縱得相逢處無非欲去  
時恨深書不盡寵極意多  
疑惆悵桃源路惟教夢  
寐知

嬾卸頭

侍女動妝奩故故驚人睡  
那知本未眠背面偷垂  
泪懶卸鳳皇釵羞入鴛鴦  
被時復見殘燈和燼墜  
金穗

荷花

鈿扇相欹綠香囊獨立紅  
浸淫因重露狂暴是秋  
風逸調無人唱秋塘每夜  
空何由見周昉移入畫  
屏中

信筆

睡髻休頻攏春眉忍更長整釵梳子重泛酒菊花  
香綉疊昏金色羅襟損研光有時間美筆亦畫兩  
鴛鴦

薦福寺講筵偶見又別

見時濃日午別處暮鐘殘景色疑春盡襟懷似酒  
闌兩情貪眷戀半晌越辛酸夜靜長廊下難尋展  
齒看

五更

秋雨五更頭桐竹鳴騷屑却似殘春間斷送花時

節空樓雁一聲遠屏燈半滅綉被擁嬌寒眉山正  
愁絕

簡儂

甚感殷勤意其如阻碍何隔簾窺綠齒映柱送橫  
波老大逢知少襟懷暗喜多因傾一尊酒聊以慰  
蹉跎

無題

春樓處子傾城金陵狎客多情朝雲暮雨會合羅  
襪綉被逢迎華山梧桐相覆蠻江荳蔻連生幽歡



不盡失別秋河悵望平明

二

一燈前雨落夜三月盡草青時半寒半煖正好花  
開花謝相思惆悵空教夢見懊惱多成酒悲紅袖  
不乾誰會揉損聯娟淡眉

三

此間青草更遠不惟空繞汀洲那里朝日才出還  
應先炤西樓憶淚因成恨淚夢遊常續心遊桃源  
洞口來否絳節霓旌久留

春日盡

樹頭初日照西簷樹底蕙花夜雨霑別院池亭聞  
動鎖後堂欄檻見垂簾柳腰入戶風斜倚榆莢堆  
墻水半淹把酒送春惆悵在年年三月病懨懨

見花

蹇裳擁鼻正吟詩日午墻頭獨見時血染蜀羅山  
躑躅肉紅宮錦海棠梨因狂得病真閒事欲咏無  
才是所悲看却春風歸去也爭教剩得最繁枝

青春

眼意心期卒未休暗中終儼約秦樓光陰負我難  
相遇情緒牽人不自由遙夜定嫌香蔽膝悶時應  
弄玉搔頭櫻桃花謝梨花老腸斷青春兩度愁

橫塘

秋寒酒背入簾霜鳳脰燈青照洞房蜀紙麝煤添  
筆媚越甌犀液發茶香風飄亂點更籌轉拍送繁  
弦曲破長散客出門斜月在兩眉愁思向橫塘

五更

往年曾約鬱金牀半夜潛身入洞房懷裡不知金  
鉀落暗中惟覺綉鞵香此時欲別魂俱斷自後相  
逢眼更狂光景旋消惆悵在一生贏得是淒涼

咏浴

再整魚犀攏翠簪解衣先覺冷森森教移蘭燼頰  
羞影自試香湯更怕深初似洗花難抑按終憂沃  
雪不勝任豈知侍女簾幃外賸取君王數餅金

席上有贈

矜嚴標格絕嫌猜嗔怒難逢笑靨開小雁斜侵眉  
柳去媚霞橫接眼波來鬢垂香頸雲遮藕粉着蘭

胸雪壓梅莫道風流無宋玉好將心力事粧臺

倚醉

倚醉無端尋舊約却憐惆悵轉難勝靜中樓閣深  
春雨遠處簾櫳半夜燈抱柱立時風細細繞廊行  
處思騰騰分明窓下聞裁剪敲遍闌干喚不應

咏手

腕白膚紅玉笋芽調琴抽線露尖斜背人細撚垂  
臙髻向鏡輕勻襯臉霞悵望昔逢攘綉幔依稀重  
見託金車後園笑向同行者摘得茶蘼又一枝

擁鼻

擁鼻悲吟一向愁寒更轉盡未回頭綠屏無睡秋  
分簾紅葉傷時月午樓却要因循添逸興若為趨  
競愴離憂殷勤憑仗官渠水為到西溪動釣舟

晝寢

碧梧陰靜隔簾櫳扇拂金鸞玉簟烘撲粉更添香  
體滑解衣惟見下裳紅頰襟乍觸冰壺冷倦枕徐  
歌寶髻鬆何必苦勞魂與夢王昌只在此墻東

惆悵

身情長在暗相隨  
生魄隨君君豈知  
被頭不煖空沾泪  
釵股欲分猶半疑  
朗月輕風難愜意  
辭人絕色多傷離  
何如飲酒連千醉  
席地幕天無所知

後魏時相州人作李波小妹歌疑其未備因

補之

李波小妹字雍容  
窄衣短袖蠻錦紅  
未解有情夢梁殿  
何曾自媚妬吳宮  
誰教牽引知酒味  
因令悵望成春慵  
海棠花下鞦韆畔  
背人撩鬢道匆匆

代小王家爲番騎所虜後寄故集賢裴相國

作

動天金鼓逼神州  
惜別無心學墜樓  
不得回眸辭傅粉  
便須含泪對殘秋  
折釵伴妾埋青塚  
半鏡隨君墜杜郵  
惟有此宵魂夢裡  
慙勤相覓鳳池頭

偶見背面是夕兼夢

酥凝背押玉搓肩  
輕薄紅綃覆白蓮  
此夜分明來入夢  
當時惆悵不成眠  
眼波向我無端艷  
心火因君特地然  
莫道人生難際會  
秦樓鸞鳳有神仙

有憶

豈漏迢迢夜漏遲傾城消息杳無期愁腸殫酒人  
千里淚眼倚樓天四垂自笑計狂多獨語誰憐夢  
好轉相思何時斗帳濃香裡分付春風與玉兒

裏娜

裏娜腰肢淡薄妝六朝宮樣窄衣裳著辭暫見櫻  
桃破飛盞遙聞荳蔻香春惱襟懷身覺瘦酒添顏  
色粉生光此時不敢分明道風月應知暗斷腸

多情

天遣多情不自持多情兼與病相宜蜂偷野蜜初

嘗處鶯啄含桃欲咽時酒蕩襟懷微駭駭春牽情  
緒更融怡水香賸注金盆裡瓊樹長須浸一枝

偶見

千金莫惜早蓮生一笑從教下蔡傾仙樹有花難  
問種御香聞氣不知名愁來自覺哥喉咽瘦去誰  
憐舞掌輕小疊紅箋書恨字與奴方便寄卿卿

閨情

輕風的礫動簾鉤宿酒猶酣懶卸頭但覺夜淡花  
有露不知人靜月當樓何郎燭暗誰能咏韓壽香

焦亦任偷敲折玉釵歌轉咽一聲聲作兩眉愁  
寒食重游李氏園亭有感

往年同在鸞橋上見倚朱闌咏柳綿今日獨來香  
徑裡更無人跡有苔錢傷心濶別三千里屈指思  
量四五年料得他鄉遇佳節亦應懷抱暗凄然

春盡

春融艷艷大醉陶陶漏添遲日箭減良宵藤垂戩  
戶柳拂浮橋簾幕燕子池塘百勞膚清臂瘦衫薄  
香消楚殿衣窄南朝髻高河陽縣遠清波池暹絲  
纏露泣各自無聊

別緒

別緒情悄悄牽愁暗入心已回花渚棹悔聽酒爐  
琴菊露淒羅幙梨霜惻錦衾此生終獨宿到歿誓  
相尋月好知何計歌闌思不禁山巔更高處憶上  
上頭吟

懶起

百舌喚朝眠春心動幾般枕霞紅黯淡淚粉玉闌  
珊籠綉香煙歇屏山燭焰殘暖嫌羅襪窄瘦覺錦

取厚詩十  
衣寬昨夜三更雨今朝一陣寒海棠花在否側臥  
捲簾看

春悶偶成十二韻

阡陌縣雲壤闌畦隔艾芝路遙行雨嬾河濶過橋  
遲雁足應難達狐踪浪得疑謝鯤吟未廢張碩夢  
堪思有意通情處無言攏鬢時格高歸歛笑歌怨  
在顰眉醉後金蟬重歡餘玉燕歛素姿凌白奈圓  
頰詣紅梨粉字題華筆香牋咏柳詩繡窗携手約  
芳草踏青期別淚開泉脉春愁冒藕絲相思不相

信幽恨更誰知

無題

小檻移燈地空房鎖隙塵額波風盡日簾影月侵  
晨香辣更衣後釵梁攏鬢新吉音聞詭計醉語近  
天真妝好方長嘆歡餘却淺輦繡屏金作屋絲幃  
玉爲輪致意通綿竹精誠托錦鱗歌凝眉際恨酒  
發臉邊春溪苧殊輕越樓簫豈羨秦柳虛攘沴氣  
梅實引芳津樂府降清唱官厨減食珍防閑襟并  
斂忍妬淚休勻宿飲愁縈夢春寒瘦着人手持雙

荳蔻的的為東隣

二

碧瓦偏光日紅簾不受塵柳昏連綠野花爛爍清  
 晨書密偷看數情通破體新明言終未實暗囑始  
 應真枉道嫌偷藥推誠鄙效顰合成雲五色宜作  
 日中輪照獸金塗爪釵魚玉鏤鱗渺彌三島浪平  
 遠一樓春墮髻還名壽修蛾木姓秦棹尋聞犬洞  
 槎入飲牛津麟脯隨重釀霜華間八珍錦衾霞彩  
 爛羅襪研光勻羞澁伴牽伴嬌嬌欲泥人偷兒難

捉搦慎莫共比隣

三

紫蠟融花蒂紅棉拭錦塵夢狂翻惜夜妝嬾厭凌  
 晨茜袖啼痕舊香牋墨色新

此後失記

四倒用前韻

白下歸同路烏衣什作隣珮聲猶隔箔香氣已迎  
 人酒勸杯頻滿書羞字不勻訝憐黃竹怨味實碧  
 桃珍剪燭非良策當關是要津東阿初渡洛楊暉  
 舊家秦粉化橫波溢衫輕曉露春鷓黃雙鳳翅麝



月半魚鱗別袂翻如浪回腸轉似輪後期纔注脚  
前事又合顰縱有才難咏寧無畫逼真天香聞更  
有瑞樹見常新關草常更僕迷關悞達晨嗅花判  
不得檀注惹芳塵

妬媒

洞房深鎖不曾開橫臥烏龍作妬媒好烏豈勞兼  
比翼異花何必更重臺難留盡逐驚颺去暫見如  
隨急電來多爲過防成後悔偶因飛語得深猜已  
嫌刻蠟春宵短最恨鳴珂曉鼓催應笑楚襄仙分

薄日中長自獨徘徊

半睡

擡鏡仍嫌瘦更衣又怕寒宵分未歸帳半睡待郎  
看

蚤歸

去是黃昏後歸當朧朧時衣吟宿醉風露動相  
思

兩處

樓上淡山橫樓前溝水清憐山更憐水兩處總牽

情

效崔輔國體四絕

淡月照中夜  
海棠花自落  
獨立俯開階  
風動鞦韆索

二

雨後碧苔院  
霜來紅葉樓  
閒階上斜日  
鸚鵡伴人愁

三

雨力滋睡眸  
鹵莽聞街鼓  
欲明天未寒  
東風打牕

雨

四

羅幕生春寒  
綉牕愁未眠  
南湖一夜雨  
應濕采蓮船

春閨

願結交加夢  
因傾潑灑尊  
醒來情緒惡  
簾外正黃昏

二

氤氳帳裡香  
薄薄睡時妝  
長吁解羅帶  
怯見上空

晚唐詩香奩

牀

江樓

夢啼嗚咽覺無語  
杳杳微微望烟浦  
樓空客散燕交飛  
江靜帆稀日亭午

二

鯢魚苦笋香味新  
楊花酒旗三月春  
風光百計牽人老  
爭奈多情是病身

咏燈

高在酒樓明錦幙  
遠隨漁艇泊烟江  
古來幽怨皆

銷骨休向長門背  
雨窓

繞廊

濃烟隔簾香漏洩  
斜燈映竹光參差  
繞廊倚柱堪惆悵  
細雨輕寒花落時

屐子

六寸膚圓光緞緞  
白羅繡屐紅托裡  
南朝天子欠風流  
却重金蓮輕綠齒

聞雨

香侵蔽膝夜寒輕  
聞雨傷春夢不成  
羅帳四垂紅

情

效崔輔國體四絕

淡月照中夜海棠花自落獨立俯開階風動鞦韆索

二

雨後碧苔院霜來紅葉樓間堦上斜日鸚鵡伴人愁

三

雨力滋睡眸鹵莽聞街鼓欲明天未寒東風打牕

雨

四

羅幕生春寒綉牕愁未眠南湖一夜雨應濕采蓮船

春閨

願結交加夢因傾潑灑尊醒來情緒惡簾外正黃昏

二

氤氳帳裡香薄薄睡時妝長吁解羅帶怯見上空

晚唐詩香奩

牀

江樓

夢啼嗚咽覺無語杳杳微微望烟浦樓空客散燕  
交飛江靜帆稀日亭午

二

鯢魚苦笋香味新楊花酒旗三月春風光日計牽  
人老爭奈多情是病身

咏燈

高在酒樓明錦幙遠隨漁艇泊烟江古來幽怨皆

銷骨休向長門背雨窓

繞廊

濃烟隔簾香漏洩斜燈映竹光參差繞廊倚柱堪  
惆悵細雨輕寒花落時

屐子

六寸膚圓光緞緞白羅繡屐紅托裡南朝天子欠  
風流却重金蓮輕綠齒

聞雨

香侵蔽膝夜寒輕聞雨傷春夢不成羅帳四垂紅

燭背玉釵敲着枕函聲

已涼

碧闌干外綉簾垂  
猩血屏風畫折枝  
八尺龍鬚方錦褥  
已涼天氣未寒時

聯綴體

院宇秋明日日長  
社前一雁到遼陽  
隴頭針線年年事  
不喜寒砧搗斷腸

寒食夜

清江碧草兩悠悠  
各自風流一種愁  
正是落花寒

食夜夜深無伴倚空樓

哭花

曾愁香結破顏遲  
今見妖紅委地時  
若是有情爭不哭  
夜來風雨葬西施

重游曲江

鞭稍亂拂暗傷情  
蹤跡難尋露草青  
猶是玉輪曾輾處  
一泓秋水漲浮萍

新秋

一夜清風動扇愁  
背時容色入新秋  
桃花臉裡汪

明片詩十六  
汪淚忍到更淡枕上流

遙見

悲歌淚濕淡胭脂閒立風吹金縷衣白玉堂東遙  
見後令人陡薄畫楊妃

宮詞

綉裙斜立正銷魂侍女移燈掩殿門燕子不來花  
着雨春風應是怨黃昏

踏青詞

踏青會散欲歸時金車久立頻催上收裙整髻故

遲留兩點淡心各惆悵

夜深

惻惻輕寒剪剪風杏花飄雪小桃紅夜深斜搭鞦韆  
索樓閣朦朧細雨中

夏日

庭樹新陰葉未成玉堦人靜一蟬聲相風不動烏  
龍睡時有嬌鶯自喚名

新上頭

學梳鬆鬢試新裙消息佳期在此春爲要好多心

晚唐詩香奩

轉惑遍將宜稱問傷人

中庭

夜短睡遲慵蚤起日高方始出紗窓中庭自摘青  
梅子先向釵頭帶一雙

鬆髻

髻根鬆慢玉釵垂指點花枝又過時坐久暗生惆  
悵事背人勻却淚胭脂

寄恨

秦釵枉斷長條玉蜀紙虛留小字紅死恨別情難

會處蓮花不肯嫁東風

蹤跡

東烏西兔似車輪劫火桑田不復論唯有風光與  
蹤跡思量長自暗銷魂

病憶

信知尤物必牽情一顧難酬覺命輕曾把禪機消  
此病破除纔盡又重生

不見

動靜防閑又怕疑洋洋脉脉是深機此身願作君



家燕秋社歸時也不歸

忍笑

宮樣衣裳淺畫眉曉來梳洗更相宜水晶鸚鵡釵  
頭顫舉袂佯羞忍笑時

咏柳

挹雨拖風不自持全身無力向人垂玉纖折得遙  
相贈便似觀音手裡時

密意

河花貼髻粘寒髮凝酥光透猩猩血經過洛水幾

多人惟有陳王見羅襪

偶見

鞦韆打困解羅裙指點醍醐索一樽見客入來和  
笑走手搓梅子暎中門

寒食夜有寄

風流大抵是佺佺此際相思必斷腸雲薄月昏寒  
食夜隔簾微雨杏花香

復偶見

霧爲襟袖玉爲冠半似含羞半忍寒別易會難長

自嘆轉身應把淚珠彈

二

桃花臉薄難藏淚柳葉眉長易覺愁密跡未成當  
面笑幾回抬眼又低頭

三

半身映竹輕聞語一手揭簾微轉頭此意別人應  
未覺不勝情緒兩風流

再青春

兩重門裡玉堂前寒食花枝月午天想得那人垂

手立嬌羞不肯上鞦韆

深院

鵝兒啞啞梔黃嘴鳳子輕盈膩粉腰深院下簾人  
晝寢紅薔薇暎碧芭蕉

日高

朦朧猶認管絃聲噤柝餘寒酒未醒春暮日高簾  
半捲落花和雨滿中庭

夕陽

花前酒淚臨寒食醉裏回頭問夕陽不管相思人

老盡朝朝容易下西墻

舊館

前歡往恨分明在酒興詩情  
大半亡還是墻西紫  
荆樹殘花蕭索映高塘

中春憶贈

年年長是阻佳期萬種恩情只自知  
春色轉添惆悵  
望似君花發兩三枝

春恨

殘夢依依酒方餘城頭畫角半啼烏  
平明未捲西

樓幕院靜時開放鹿盧

閨怨

時光潛去暗淒涼懶對菱花暈曉粧  
初拆鞦韆人寂寞後園青草任他長

欄干

掃花雖恨夜來雨把酒却憐晴後寒  
吳質漫言愁得病當時猶不凭欄干

半睡

眉山黯淡向殘燈一半雲鬟墜枕稜  
四體着人嬌

欲泣自家揉碎研繚綾

玉合襍言

羅裡綉兩鴛鴦玉合雕雙鷓鴣中有蘭膏漬豆紅  
每回拈着長思憶長思憶經幾春人悵望香氤氳  
開緘不見新書跡帶粉猶殘舊指痕

金陵襍言

風雨蕭蕭石頭城下木蘭橈烟月迢迢金陵渡口  
去來潮自古風流皆暗消才鬼妖魂誰與招采箋  
麗句今已矣羅襪金蓮何寂寥

三憶詞

憶眠時春夢困騰騰展轉不能起玉釵垂枕稜

二

憶行時背手揆金雀斂笑慢回頭步轉闌干角

三

憶去時向月遲遲行強語戲同伴圖郎聞笑聲

晚唐姚鵠詩目

塞外寄張侍御

送李潛歸綿州觀省

送人歸吳

送石貫歸湖州

送劉耕歸舒州

野寺寓居卽事二首

寄友人

寄雍陶先輩

寄贈許璋少府

早魚詞上苗相公

感懷陳情

送程秀才下第歸蜀

曉發

題終南山隱者居

嘉川驛樓晚望

賦得風不鳴條

晚唐詩 姚鵠

書情獻知己

送僧歸新羅

奉和秘監從翁夏日陝州河亭晚望

和吳舍人早春歸沐西亭言志

和徐薰先輩秋日遊涇州南亭呈二三同年

將歸蜀留獻恩地僕射二首

送友人出塞

隨州獻李侍御二首

襄州獻盧尚書

虢州獻楊侍御二首

贈邊將

送費鍊師供奉赴上都

送黃頗歸袁州

玉真觀尋趙尊師不遇

和陝州參軍李通微首夏書懷呈同寮張裳

群二先輩

送賀知章入道

及第後上王司王起

和工部楊尚書重送絕句

姚鵠

塞外寄張侍御

千里入黃雲。羈愁日日新。疎鐘關路曉。遠雨塞山昏。  
南眺有歸雁。北來無故人。却思陪宴處。迴望與天隣。

送李潛歸綿州覲省

朱樓對翠微。紅旆出重扉。此地千人望。寥天一鶴歸。  
雪封山崦白。鳥拂棧梁飛。誰比趨庭戀。驪珠耀綵衣。

送人歸吳

東吳與上國。萬里路迢迢。爲別晨昏久。全輕水陸遙。湘陰島上寺。楚色月中潮。到此一長望。知君積恨銷。

送石貫歸湖州

同志幸同年。高堂君獨還。齊榮恩未報。其隱事應閒。訪寺臨湖岸。開樓見海山。洛中推二陸。莫久戀鄉關。

送劉耕歸舒州

四座莫紛紛。須臾歧路分。自從同得意。誰不惜離群。舊國連青海。歸程在白雲。棄繻當日路。應競看終軍。

野寺寓居卽事二首

南山色當戶。初日半簷時。鶴去卧看遠。僧來嫌起遲。窓明雲影斷。庭曉樹陰移。何處題新句。連谿密葉垂。

古寺更何有。當庭惟折幢。伴僧青蘚榻。對雨白雲窗。暝色坐前嶺。離魂隔遠江。沙洲牛蘸草。飛鷺白。

晚唐詩 姚鵠



雙雙

寄友人

四風又開菊。久客意如何。舊國天涯遠。清砧月夜多。明時難際會。急景易蹉跎。抱玉終須獻。誰言戀薜蘿。前年清絕

寄雍陶先輩

知音杳何處。書札寄無由。獨宿月中寺。相思天半樓。露凝衰草白。螢度遠煙秋。悵望難歸枕。吟勞生夜愁。

寄贈許璋少府

若說君高道。何人更得如。空庭唯樹石。生計是琴書。詩句峭無敵。文才清有餘。不知尺水內。爭滯北溟魚。

早魚詞上苗相公

似龍鱗已足。唯是欠登門。日裏腮猶濕。泥中目未昏。乞鋤防蠹穴。望水瀉金盆。他日能爲雨。公田報此恩。

感懷陳情

晚唐詩 姚鵠

恩重空感激。何門誓殺身。謬曾分玉石。竟自困風塵。陰谷非因暖。幽叢豈望春。升沉在言下。應念異他人。

送程秀才下第歸蜀

鶯遷與鷓退。十載泣歧分。蜀道重來老。巴猿此去聞。曉程侵嶺雪。遠棧入礮雲。莫滯趨庭戀。榮親祇待君。

曉發 一作趙嘏

旅行宜早發。况復是南歸。月影緣山盡。鐘聲隔浦

微。殘星螢共失。落葉鳥俱飛。去去關河曉。村中人出稀。

題終南山隱者居

開門絕壑旁。躡蘚過花梁。路入峯巒影。風來芝朮香。夜吟明雪牖。春夢閉雲房。盡室更何有。一琴兼一觴。

嘉川驛樓晚望

樓壓寒江上。開簾對翠微。斜陽諸嶺暮。古渡一僧歸。窓迥雲衝起。汀遙鳥背飛。誰言坐多倦。目極自

忘機

賦得風不鳴條

吾君理化清。上瑞報時平。曉吹何曾歇。

一作息 柔條

自不鳴。花香知暗度。柳動覺潛生。只見低垂影。

一作

勢那聞擊觸聲。大王初溥暢。少女正輕盈。幸遇無

私力。幽芳願發榮。

書情獻知己

日日恨何窮。巴雲舊隱空。一為棲寓客。三見北歸

鴻。有道期攀桂。無門息轉蓬。賃居將磬比。乞食與

僧同。花。月。登。臨。處。江。山。悵。望。中。衆。皆。輕。病。驥。誰。肯。

救。焦。桐。坐。惜。春。還。至。愁。吟。夜。每。終。谷。寒。思。變。律。葉

晚。怯。迴。風。謁。蔡。慙。王。粲。憐。衡。冀。孔。融。深。恩。知

一作如

尚在。何處問窮通。

調格和兵部落風雅

送僧歸新羅

森森萬餘里。扁舟發落暉。滄溟何歲別。白首此時

歸。寒暑途中變。人煙嶺外稀。驚天巨鰲起。蔽日大

鵬飛。雪。入。行。沙。屨。雲。生。坐。石。衣。漢。風。深。習。得。休。恨

本心違。

奉和祕監從翁夏日陝州河亭晚望

洪河何處望。一境在孤墮。極野如藍日。長波似鏡年。卷簾花影裏。倚檻鶴巢邊。霞焰侵旌旆。灘聲雜管絃。鐘微來疊岫。帆遠落遙天。過客多相指。應疑會水仙。

和吳舍人早春歸沐西亭言志

曉漏戒中禁。清香肅朝衣。一門雙掌誥。伯待仲言歸。一作伯仲待言歸亭高性情曠。職密交遊稀。賦詩樂無事。解帶偃南扉。陽春美時澤。旭霽望山暉。幽禽響

未轉東原綠。猶微名雖列。仙爵心已遣。塵機即事同。巖隱聖渥良難違。

和徐薰先輩秋日遊涇州南亭呈二二同年

多少歡情泛鷁舟。桂枝同折塞同遊。聲喧島上巢松鶴。影落盃中過水鷗。送日暮鐘交戍嶺。叫雲寒角動城樓。酒酣笑語秋風裏。誰道槐花更起愁。

將歸蜀留獻恩地僕射二首

自持衡鏡採幽沉。此事常聞曠古今。危葉只將終委地。焦桐誰料却為琴。蒿萊詎報生成德。犬馬空

懷感戀心。明日還家。盈眼血。定應迴首卽沾襟。  
江上長思狎釣翁。此心難與昨心同。自承丘岳新  
恩重。已分煙霞舊隱空。龍變偶因資巨浪。鵬飛誰  
肯借高風。應憐死節無門効。永歎潛懷似轉蓬。

送友人出塞

帝城春色着寒梅。去恨離懷醉不開。作別欲將何  
計免。此行應又隔年回。入河殘日鵬西盡。卷雪驚  
蓬馬上來。有志莫忘清塞學。衆傳君負佐王才。

隨州獻李侍御二首

彩筆曾專造化權。道尊翻向宦途閒。端居有地唯  
栽藥。靜坐無時不憶山。德望舊懸霄漢外。政聲新  
溢路歧間。衆知聖主搜賢相。朝夕欲徵黃霸還。  
再別未甘何處說。但垂雙淚出咸秦。風塵正馬來  
千里。蓬梗全家望一身。舊隱每懷空竟夕。愁眉不  
展幾經春。今朝儻降非常顧。倒屣寧惟有古人。

襄州獻盧尚書

立事成功盡遠圖。一方獨與萬方殊。藩臣昔競師  
兵略。相國今多揖廟謨。禮樂政行凋弊俗。歌謠聲

明倫彙編 家範典 第七  
徹帝王都。卽隨鳳詔歸何處。祇是操持造化鑪。

號州獻楊侍御二首

蓋世英華更有誰。賦成傳寫遍坤維。名科累中求  
賢口苦節高標。守郡時樓上叫雲秋。鼓角林間宿  
鶴夜。旌旗徵歸詔下應。非久德望人情在。鳳池  
碧山曾共惜。分陰暗學相如賦。上林到此敢逾千  
里恨。歸家且遂十年心。疎愚祇怯膺門險。淺薄爭  
窺孔室深。一顧儻憐持苦節。更令何處問升沉。

贈邊將

三邊近日往來通。盡是將軍鎮撫功。兵統萬人爲  
上將。威加千里攝西戎。清笳遶塞吹寒月。紅旆當  
山肅曉風。却恨北荒霜雨露。無因掃盡庭空。

送費鍊師供奉赴上都

縮地周遊不計程。古今應只有先生。已同化鶴臨  
華表。又見驂龍向玉清。蘿磴靜攀雲共過。雪壇當  
醮月孤明。無因相逐朝天帝。空羨煙霞得送迎。

送黃頗歸袁州

莫倦連朝在醉鄉。孔門多戀惜分行。文章聲價從

來重。霄漢途程此去長。何處聽猿臨萬壑。幾宵因  
月。滯三湘。鑪峰若上應相憶。不得同過惠遠房。

玉真觀尋趙尊師不遇

羽客朝元晝掩扉。林中一徑霧中微。松陰遶院鶴  
相對。山色滿樓人未歸。盡日獨思風馭返。寥天幾  
望野雲飛。凭高目斷無消息。自醉自吟愁落暉。

和陝州參軍李通微首夏書懷呈同寮張棠

段群二先輩

公門何事更相牽。召伯優賢任養閒。滿院落花從

覆地。半簷初日未開關。尋仙鄭谷煙霞裏。避暑柯  
亭樹石間。獨爲高懷誰繼和。椽曹同處桂同攀。

送賀知章入道

若非堯運及垂衣。肯許巢由脫俗機。太液始同黃

鶴一作鶴下。仙鄉已駕白雲歸。還披舊褐辭金殿。却

捧玄珠向翠微。羈束慙無仙藥分。隨車空有夢寬  
飛。

及第後上王司王起

三年竭力向春闈。塞斷浮華衆路歧。盛選棟梁稱

昔日平均雨露及明時登龍舊美無邪徑折桂新  
榮盡直枝莫道只陪金馬貴相期更在鳳凰池

和工部楊尚書重送絕句

桂枝攀得獻庭闈何似空懷楚橘歸控翮扶搖早  
迴首人人思看大鵬飛